

東方雜誌

東方雜誌

第七年 第五期

大清郵政局特准掛號認爲新聞紙類

圖畫

●宋徽宗畫秋冬山水圖一

●南洋勸業會開會紀念 ●唐柏

●子貢手植楷

諭旨 庚戌四月

論說 ●憲政篇 ●現代生活之研究

記載

●中國大事記 ●中國大事記補遺

(▲杭州城內日本商人與居民

大岡案餘聞 ▲湖南省城亂事餘記 ▲江蘇鄉民滋事餘聞 ▲宿遷鄉民行劫

麵廠餘記 ▲浙江鄉民毀學餘聞 ▲江西撫州鄉民搶毀米肆續聞 ▲廣西永

淳縣亂事續記 ▲雲南昭通府亂事續記) ●世界大事記 ●中國時

事彙錄 (▲日俄兩國關於東三省之交涉 ▲蒙旗現狀之一斑 ▲山東路

礦述聞 ▲青島勘界交涉記聞 ▲緬台州民變餘記 ▲補記溫州禁煙擾民事

▲十五記湘鄂路線商借外款情形 ▲粵路公司選舉總協理董事情形 ▲京

外近事彙錄 ▲各省路事述聞 ▲京外報界近情 ▲僑商稟請組織商艦協會

▲美國華僑近情) ●世界時事彙錄 (▲日美新約之內容 ▲日俄新

協約之秘密 ▲日本政府議設殖民省 ▲美國政界暗潮 ▲美國元老院與生

活費問題 ▲美國銀行家之排日演說 ▲英國海軍部尙書之演說 ▲德意兩

相之交歡 ▲俄國議會議長辭職 ▲科克氏虛僞事件定評)

文件 ●奏牘 (▲御史趙炳麟奏請 飭議前奏確定行政經費並豫籌安插流民之

策摺附前奏 ▲署湖廣總督瑞澂暫署湖南巡撫楊文鼎會奏遵查湘省痞徒

擾亂地方文武各官辦理不善情形分別參辦摺) ▲署湖廣總督瑞澂奏特參

籍紳挾私釀亂請分別懲儆摺 ▲兩江總督張人駿奏查明廣東新軍滋事情

形摺) 調查 ●中國調查錄 (▲江蘇諮議局議員爲盤金改辦認捐事調查日記)

附錄

●雜俎 ●文苑

●京外職官表 ●金銀時價表

The Eastern Miscellany

宣統二年五月二十五日發行
編輯者 華陽陳仲逸
發行所 東方雜誌社
印刷所 上海北河南路北首寶山路
商務印書館
發行所 上海棋盤街中市
商務印書館
分售處 北京奉天龍江天津蘇州
濟南太原開封西安福州
商務印書館
杭州南昌漢口長沙常德
成都重慶瀘州廣州潮州

報資郵費廣告價目表

項	目	報資		郵費		廣告	
		本國	外國	一面	半面	封	面
一冊	半年六冊	三角	一角	八元	五元	加	倍
全年十二冊		一元六角	六角	三十六元	三十二元		

以上資費均須先交

投稿規制

一本雜誌論說調查二門並擬收容來稿其體例如下
撰論或選譯外論以規畫大局陳善納誨為合格反是

者不錄

調查之為義無所不該大之如地勢民情小之如農工商業皆為本雜誌所歡迎

一稿末請詳註姓名住址職業以便通訊

一刊登之稿當酌贈商務印書館書券一等每千字五元

二等四元三等三元四等二元特別之件另議不登者

不在此例

一本雜誌附錄一門內分 新知識 雜纂 雜俎 文

苑 行紀 小說 六類如承海內外博雅君子以此

類著作見貽亦所企盼


一無論登與不登來稿恕不檢還

南洋勸業開會紀念




柏

唐



在曲阜聖廟復聖殿東廡外

子貢手植楷



在曲阜聖廟享殿後枯植立輒臺上

諭

旨

庚戌四月

四月初一日內閣奉

上諭前奉 先朝諭旨設立資政院以爲上下議院之基

礎 聖謨宏遠薄海同欽朕御極以來日以繼志述

事爲務迭經降旨將該院院章暨各項選舉章程釐

定頒布責成內外臣工切實籌辦本年九月初一日爲

第一次開院之期所有單開各項欽選議員宗室王公

世爵著魁斌載功訥勒赫載瀛載潤溥霽全榮壽全載

鍾載振毓盈載燕盛昆慶恕爲議員滿漢世爵著希璋

黃懋澄志鈞榮全榮璽延秀曾廣鑾存興李長祿敬昌

劉能祀胡祖蔭爲議員外藩王公世爵著博迪蘇貢桑

諾爾布色凌敦魯布色隆托濟勒旺諾爾布特古斯

阿勒坦呼雅克圖綽楚克車林多爾濟帕拉穆達木克

蘇倫那彥圖索特那木扎木柴巴勒珠爾拉布坦司迪

克那木濟勒錯布丹爲議員宗室覺羅著定秀世珣榮

諭旨

普成善景安宜純爲議員各部院衙門官著奎濂陳懋
鼎趙椿年錫嘏榮凱毓善劉道仁文哲璋張緝光李經
畚林炳章慶蕃顧棟臣何藻翔陳善同劉澤熙魏聯奎
趙炳麟儼忠胡駿王璟芳文溥吳敬修柯劭忞榮厚胡
昶泰汪榮寶劉華長祿曹元忠吳緯炳郭家驥爲議員
碩學通儒著吳士鑑勞乃宜章宗元陳寶琛沈家本嚴
復江瀚喻長霖沈林一陶葆廉爲議員自應先期召集
以備舉行著以本年八月二十日爲召集之期所有該
院議員均卽遵照定期一律齊集將開院以前應有事
宜妥行準備該議員等須知此次召集資政院爲中國
前此未有之創舉卽爲將來成立國會之先聲務期竭
盡忠誠恪守秩序克擔義務代表輿情用副朝廷實行
立憲循序程功之至意將此通諭知之欽此

四月初二日奉

旨增崇現在穿孝所管領黃旗蒙古都統著色楞額兼署
欽此 同日內閣奉

五十七

庚戌

上諭浙江定海鎮總兵邱開浩著開缺另候簡用欽此

同日奉

上諭福建興化府知府陳景堉貴州鎮遠府知府雙壽均

著開缺送部引見欽此

四月初三日內閣奉

上諭貴州鎮遠府知府員缺著吳蔭培補授欽此

四月初五日內閣奉

上諭貝勒載瀛奏病難速痊請開去御前行走差使並請

停俸一摺載瀛著再賞假一個月調理毋庸開去差使

欽此

四月初六日內閣奉

上諭此次驗看之學部考驗游學畢業生吳匡時著賞給

工科進士魏宸組金保康金鴻翔張更生郝延鍾龔廷

棟均著賞給法政科舉人欽此

四月初七日內閣奉

上諭上年據修律大臣奏進編定現行律當經諭令憲政

編查館覆核奏准茲據該館及該大臣等將現行刑律黃冊並按照新章修改各條繕具進呈朕詳加披覽尙屬妥協著卽刊刻成書頒行京外一體遵守國家律令因時損益此項刑律爲改用新律之預備內外問刑各衙門務當悉心講求依法聽斷毋得任意出入致滋枉縱以副朝廷慎刑協中之至意欽此 同日奉

上諭前據御史胡思敬奏疆臣縱庇私人濫殺多命請飭查辦一摺當經諭令陳夔龍確查茲據查明覆奏已革文水縣知縣劉彤光於民人要求種煙既不早爲勸導臨時又甚張皇致釀重案業經革職著永不敘用署交城縣知縣直隸州知州徐星朗查禁敷衍坐任郡民聚衆滋事著卽行革職陸軍教練處幫辦布理問銜江蘇武備畢業生夏學津鹵莽圖功誤傷多命陸軍步隊第一營管帶武備畢業生李逢春縱令所部騷擾閭閻著一併撤差覈革山西巡撫丁寶銓兩次奏陳但就各文武等所稟情形據以入告僅將劉彤光參革而於此外

辦理不善之文武概未議及亦難辭疏忽之咎丁寶銓著交部察議朝廷於禁煙一事志在必行此次該省釀亂始由於地方官之查禁不力而統兵官亦未能審慎辦理故各予以處分至於民間種煙希圖弛禁靡敢聚衆抗官此等刁風斷不可長自應嚴加懲治嗣後仍著各該地方官嚴切查禁毋稍懈弛該衙門知道欽此
四月初八日內閣奉

上諭那桐等奏查驗續經報到薦舉各員分別加考開單呈覽一摺所有中書科中書馬其昶著查驗大臣那桐等帶領引見陸軍部補用員外郎陳宦前直隸長蘆鹽運使周學熙山西河東道陳際唐著於本月初九日起每日一員呈遞膳牌預備召見欽此 同日奉

上諭瑞澂奏巡警道溺職殃民據實糾參一摺湖北巡警道馮啓鈞徇利忘義警政廢弛縱容劣弁擾害商民著卽行革職永不敘用以示懲儆該部知道欽此 同日奉

諭旨

上諭湖北巡警道員缺著全興補授欽此
四月初九日內閣奉

上諭鑲黃旗滿洲都統那彥圖等會奏議覆御史玉春奏開放八旗兵丁餉銀畫一辦法一摺八旗開放兵餉弊竇滋生亟應認真整頓以期食餉兵丁均霑實惠著各旗都統將從前積弊悉行剔除擬定畫一辦法請旨辦理所請原領一分辦公由部扣除按照六分數目發給專爲闡署辦公之處著毋庸議欽此

四月初十日內閣奉

上諭四川鹽茶道員缺著尹良補授欽此 同日奉

上諭各省添設巡警勸業兩道缺所以保衛治安振興實業皆屬新政要圖而各省或將裁缺人員改授或於候補班中按資請補名爲公道而人不稱職則事多廢弛間閤無以保治安實業亦無振興之望此豈設官本意耶著各該督撫於已補之巡警勸業兩道人員悉心考察如其不能勝任或於此缺不宜卽行奏明開缺另補

諭旨

六十

五月

毋得迴護瞻徇總期爲缺擇人不爲人擇缺庶於地方有益欽此

四月十一日內閣奉

上諭督辦鹽政大臣載澤奏遵旨會商一摺朝廷慎重鹽

政特派大臣督辦原令直接管理以一事權而資整頓

惟因疏銷緝私關涉地方故命各督撫會同辦理前據

錫良等電奏鹽政章程諸多窒礙當經諭令該大臣會

商各督撫詳議具奏茲據覆陳會商各節朕詳加披覽

該督等擬將用人行政悉歸會辦之督撫是與從前督

撫兼管鹽政無異朝廷何貴有此特舉耶且於前兩次

諭旨毫末仰體至該督辦大臣受國重寄應如何力任

其難認真籌辦乃此次僅據該督等覆電具奏意存諉

卸殊負委任均著傳旨申飭所有鹽務用人行政一切

事宜仍著照奏定章程辦理將來如有應行變通之處

著該督辦大臣隨時體察情形奏明請旨遵行鹽務關

繫重要自此大嚴切申諭後務各懷遵前兩次諭旨和

衷共濟相與有成著各懷挾成見因循積習斷斷權限貽誤要政惟該大臣與各督撫等是問恐不能當此重咎也將此諭令知之欽此

四月十二日內閣奉

上諭續經報到保薦人才經派那桐等查驗詢問茲已一

律召見引見完竣所有單開之前長蘆鹽運使周學熙

山西河東道陳際唐均著交軍機處存記陸軍部員外

郎陳宦著以四品京堂候補仍回奉天充當統制差使

中書科中書馬其昶著以學部主事補用欽此 同日

奉

上諭本日補行引見之陸軍貴胄學堂畢業考列上等之

附貢生衛獻攻著補授陸軍副軍校欽此

四月十三日內閣奉

上諭琦瑤屢次請假久未當差著開去乾清門並委散秩

大臣差使欽此 同日奉

旨鑲白旗護軍統領印鑰著景恩暫行佩帶欽此

四月十四日內閣奉

上諭廷杰奏因病請續假一個月並請派署尙書員缺一

摺廷杰著賞假一個月毋庸派署欽此 同日奉

旨此次考試各省保送舉貢宗室取中二名滿洲取中十三名蒙古取中四名漢軍取中五名直隸取中三十二名奉天取中四名山東取中二十六名山西取中十二名河南取中十六名陝西取中十一名甘肅取中七名江蘇取中二十名安徽取中十四名浙江取中二十二名江西取中二十一湖北取中十五名湖南取中十二名四川取中十四名福建取中二十二名廣東取中十五名廣西取中十二名雲南取中十名貴州取中十一名欽此

四月十六日內閣奉

上諭上年度支部奏稱幣制重要宜策萬全當即諭令會議政務處妥議旋經覆奏准予飭部設局調查茲據該部具奏釐定幣制酌擬則例繕單呈覽及籌擬舊幣辦

諭旨

法各摺朕詳加披覽所擬各節尙屬切實可行亟宜明白宣示中國國幣單位著即定名曰圓暫就銀爲本位以一圓爲主幣重庫平七錢二分另以五角二角五分一角三種銀幣及五分銀幣二分一分五釐一釐四種銅幣爲輔幣圓角分釐各以十進永爲定價不得任意低昂著度支部一面責成造幣廠迅即按照所擬各項重量成色花紋鑄造新幣積有成數次第推行所有賦稅課釐必用制幣交納放款亦然並責成大清銀行會同造幣廠將新舊交換機關籌備完密一面通行各省將現鑄之大小銀銅圓一律停鑄並知照京外各衙門按照單開折合標準及改換計數名稱各條依限妥辦將來新幣發行地方所有生銀及從前鑄造各項銀銅圓准其暫照市價行用由部飭幣廠銀行逐漸收換並酌定期限停止行用迫新幣通行以後無論官私各款均以大清銀幣收發交易不得拒不收受亦不准強行折扣至於偽造制幣大干例禁緝拿懲治均屬地方之

諭 旨

實著各部院順天府及將軍都統大臣各省督撫督飭所屬各就所管事項遵照則例切實奉行並轉諭各該處商會宣演則例大意使人人知此次改定幣制專為便民便商剷除向來平色紛淆之弊以立清釐財政之基倘有奸商市僧藉端搖惑愚民抑揚物價即著從嚴懲治用副朝廷利用厚生之至意餘著照所議辦理將此諭令知之欽此 同日奉

上諭鑲紅旗漢軍都統崇勳由翰林洊躋卿貳擢授都統宜力有年克勤厥職茲聞溘逝軫惜殊深加恩著照都統例賜卹任內一切處分悉予開復應得卹典該衙門察例具奏伊子一品廕生松年著以郎中補用欽此 同日奉

旨鑲紅旗漢軍都統著恩存補授欽此 同日奉

上諭荊州將軍著聯芳補授欽此 同日奉

上諭鄭嘉來著轉補外務部左侍郎外務部右侍郎著胡惟德補授欽此

四月十七日內閣奉

上諭前經降旨將宗室王公世爵等應選資政院議員人員分別選定並經豫定召集日期令該院各項議員屆期一律齊集茲據資政院奏請續行欽選議員開單呈覽一摺所有單開之納稅多額互選當選人著孫以蒂李士鈺周廷弼林紹箕席綬王佐良宋振聲李湛陽羅乃馨王鴻圖為議員該員等務各按照定期與上次欽選各項議員暨各省互選議員一律齊集預備開院並各懷遵前旨竭誠協贊有厚望焉將此諭令知之欽此 四月十八日內閣奉

上諭汪大燮現在出差郵傳部左侍郎著李焜瀛署理欽此

四月十九日內閣奉

上諭郵傳部左丞著李經楚署理梁士詒著署理右丞左參議著胡祖蔭署理陳毅著署理右參議欽此 同日奉

上諭江蘇巡警道員缺著汪瑞閻試署欽此 同日奉
上諭瑞澂楊文鼎奏遵旨查明湘省痞匪藉機擾亂地方
文武辦理不善分別參辦一摺此次湘民肇亂該省城
文武各員事前疏於防範臨時又因應失宜均屬咎有
應得除開缺湖南巡撫岑春煒業經交部議處外巡警
道賴承裕操切偏執肇釀患鹽法長寶道朱延熙遇
事庸懦應變無方長沙協都司貴齡左營守備周長泰
消防所所長游擊龔培林警務委員知縣周騰均保護
不力著一併革職布政使莊廣良措置失當著開缺交
部議處按察使周儒臣長沙府知府汪鳳瀛長沙縣知
縣余屏垣善化縣知縣郭中廣身任地方亦難辭咎惟
平日官聲尙好辦理善後亦頗敏慎周儒臣汪鳳瀛均
著交部察議余屏垣郭中廣均著革職留任署長沙協
副將楊明遠查拿匪犯尙能認真著摘去頂戴勒令捕
匪以觀後效餘著照所議辦理該部知道欽此 同日
奉

諭旨

上諭瑞澂奏特參紳士挾私釀亂請分別懲儆一摺據稱
該省議勸紳捐先辦義糶湘紳王先謙首先梗議事遂
遷延變起之後復歸咎撫臣激變電請易人殊屬不知
大體孔憲教楊羣二人於推戴藩司推陷撫臣持之尤
力楊羣本係被議人員朦捐候選道尤屬品行卑下葉
德輝當米貴時積穀萬餘石不肯減價出售實屬爲富
不仁等語前國子監祭酒王先謙分省補用道孔憲教
均著交部嚴加議處吏部主事葉德輝候選道楊羣均
著即行革職交地方官嚴加管束餘著照所議辦理該
部知道欽此 同日奉

上諭瑞澂楊文鼎奏會同籌辦湘省善後事宜一摺此次
湘省變生倉猝雖因米價昂貴要求平糶而起實有莠
民痞棍從中煽亂自非嚴懲不足以昭炯戒除業經格
斃及正法各匪外所有續獲匪徒仍著悉心研鞫分別
首從盡法懲辦以警刁頑其安分良民務須妥爲賑撫
毋任失所至所陳一切善後事宜著即相機妥速辦理

諭旨

六十四

五月

用弭後患欽此 同日奉

上諭趙爾巽奏提督因病出缺據情代奏一摺已故四川提督馬維祺由武童隨前雲貴總督岑毓英轉戰滇邊三迤剿辦蠻夷各匪所向有功洊升總兵擢提督巴塘番逆搆亂統兵進剿全台肅清平日整頓營務勞瘁不辭茲聞流逝軫惜殊深馬維祺加恩著照提督軍營立功後病故例從優議卹任內一切處分悉予開復應得卹典該衙門察例具奏並將戰功事蹟宣付國史館立傳伊子四川試用同知馬佩璵著以知府分省補用以彰勞勩該衙門知道欽此

四月二十日內閣奉

上諭鹿傳霖奏病體難支仍請開去軍機大臣要差並續假一個月一摺鹿傳霖著再賞假一個月並賞給人蔭二兩安心調理毋庸開去軍機大臣差使欽此 同日奉

上諭外務部尙書梁敦彥奏因病續假並請派署員缺一

摺梁敦彥著賞假兩個月外務部尙書兼會辦大臣著鄧嘉來署理曹汝霖著署理外務部左侍郎外務部右丞著劉玉麟署理欽此 同日奉

上諭湖南布政使著趙漢奎補授俞鍾穎著補授廣東按察使欽此 同日奉

上諭湖南鹽法長寶道員缺著吳肇邦補授欽此 同日奉

上諭湖南巡警道員缺著桂齡補授欽此

四月二十一日內閣奉

上諭廣東瑤崖道員缺緊要著該署督於通省道員內揀員調補所遺員缺著榮元補授欽此

四月二十二日內閣奉

上諭前據給事中陳慶桂奏廣東新軍滋事恐有冤濫情事請派員查辦一摺當經諭令張人駿澈底查究茲據覆奏查明當日滋亂情形始由新軍二標與警兵口角起釁繼因統帶官不准放假一標營兵首先開闔革黨

倪映典藉端煽惑各兵希圖起事昌言於衆語極悖逆業經防軍當時格斃共擊死亂兵二十八名正法十一名先後拿獲亂黨四十餘名事雖戢平而該管官等措置失當幾致良莠不分宜於輿情不洽前協統張哲培平日撫馭無方臨事棄營逃避一標統帶劉雨沛於標兵喧鬧之時卽已避匿次日又復私逃卽著袁樹勛拿解大理院治罪前充廣東老城巡警第一分局巡官試用巡檢陳慶豐縱容警兵領殿新軍兵士釀成鉅案實爲厲階著卽行革職督練公所參議道員吳錫永疏於籌畫臨事張皇統領水師親軍保升道員候補知府吳宗禹紀律不嚴失察兵丁剽竊均著交部議處署兩廣總督袁樹勛助於兵勇交關彈壓剿撫兩失其宜且據查當時新軍畏避出外者多在場滋事者少事後來歸悉被遣散以致數年訓練尅期成饋之兵一旦決裂敗壞實屬咎有難辭前據自請議處案經查明袁樹勛著交部議處其當日殉難之礮隊一營管帶齊汝漢著照協

諭旨

參領陣亡例從優議卹一標一營隊官胡思深一標二營隊官宋殿魁二標二營前隊隊官李鈺均著照正軍校陣亡例從優議卹至增祺袁樹勛前奏參一標一營管帶胡兆璣一標二營管帶于如周一標三營管帶楊長卿礮隊二營管帶林金鏡工程營管帶陳宏華輜重營管帶許嘉樹均著交部分別議處餘著照所議辦理該部知道欽此

四月二十三日內閣奉

上諭五月十六日夏至大祀 地於方澤道莊親王載功恭代行禮 四從壇派希璋扎克丹延秀承蔭各分獻欽此 同日奉

上諭吏部奏遵議湖南官紳處分各一摺開缺湖南巡撫岑春煒開缺湖南布政使莊廣良均著照部議革職湖南按察使周儒臣長沙府知府汪鳳瀛應得降三級調用處分加恩改爲降三級留任前國子監祭酒王先謙分省補用道孔憲教均著照部議降五級調用欽此

電 旨

同日奉

上諭直隸承德府知府員缺緊要著熱河都統會同直隸總督於通省知府內揀員調補所遺員缺著陳應濤補授欽此 同日奉

旨此次考取各省保送舉貢著於五月初二日在保和殿覆試欽此

四月二十四日內閣奉

上諭陝西勸業道員缺著光昭補授欽此 同日奉

上諭陝西西安府知府員缺緊要著該撫於通省知府內

揀員調補所遺員缺著丁麟年補授欽此

四月二十五日內閣奉

上諭御史倣忠奏州縣懸案不結監禁多人無辜被累請飭認真查辦以維憲政一摺近來舉行憲政訟獄一事尤宜實心清理惟各省審判廳尚未能一律成立各州縣辦理命盜案件難保無羈繫牽累等弊著各直省督撫認真查核如地方官有懸案不結無辜久禁者從嚴

六十六

參辦以副朝廷矜恤庶獄之至意欽此

四月二十六日內閣奉

上諭河南開歸陳許鄧道員缺著江瀚補授欽此 同日奉

上諭雲南普洱鎮總兵員缺著王世雄調補謝有功著調

補山西太原鎮總兵欽此

四月二十七日內閣奉

上諭浙江巡警道員缺著楊士燮補授勸業道員缺著董

元亮補授欽此

四月二十八日內閣奉

上諭浙江嘉興府知府員缺著英霖補授欽此

電 旨

四月十八日奉

旨郵傳部左侍郎汪大燮著充出使日本國大臣欽此

五月

交 旨

四月初二日軍機大臣欽奉

諭旨貝勒載洵等奏 崇陵現修工程情形一摺知道了

欽此

四月初三日軍機大臣欽奉

諭旨吏部奏已革山西候補知縣姜誥被參冤抑據丁寶

銓確切查明聲請昭雪應如何量予恩施請旨一摺已

革山西候補知縣姜誥著銷去永不敘用字樣欽此

四月初四日軍機大臣欽奉

諭旨署陸軍部左侍郎那晉差務較繁著毋庸進文職班

欽此 同日奉

諭旨會議政務處奏議覆錫良等奏調查東三省各蒙旗

情形籌擬變通辦法一摺又奏議覆錫良代奏蒙王呈

請速行憲法一片均著依議又奏派幫提調一片知道

了欽此 同日奉

交 旨

諭旨都察院代奏安徽京官內閣中書殷良弼等請將故

紳河南遇缺題奏道開封府知府孫雲錦附祀會國荃

安慶專祠呈一件著照所請該部知道欽此 同日奉

諭旨御史蕭丙炎奏各省釐金積弊太甚請飭嚴加整頓

一摺著該衙門知道欽此

四月初六日軍機大臣欽奉

諭旨禁煙大臣恭親王溥偉等奏議覆署兩廣總督袁樹

勛奏請明定覆驗煙癮期限章程應請毋庸置議一摺

知道了欽此

四月初七日軍機大臣欽奉

諭旨憲政編查館修訂法律大臣會奏請將繕寫黃冊兩

館當差之供事酌予獎敘一片著依議欽此

四月初八日軍機大臣欽奉

諭旨禮部左參議曹廣權奏預備立憲宜及時整飭禮樂

以正人心而厚風俗著該衙門議奏欽此 同日奉

諭旨內閣侍讀學士延昌奏舉行法官考試請飭改定規